

NEWS RELEASE



NR 14-15 BNL INUIN – For Immediate Release

KAVAMATKUT NUNAVUMI IKAYUNGITAIT INUIT UMAYUT INMIIGUTAINIK

(May 20mi, 2014 – Iqaluit, Nunavut) Nunavut Tunngavik Timinga Angayukaap Tuklia, James Eetoolook ublumi ukakhimayuk Kavamatkut Nunavumi pitkutainik hanatjutikhait ataani piyumayait naunaiyautaaaiit tuktuit Salliqli amigaitjutainut. NTIkt ovalo Nunavumi Umayuligiyyit Katimayit apigihimayait GNkut ukaklugit pitkutainik mikhaanut ataani piyumayait naunaiyautainik amigaitjutainik talimani ukiuni. GNkut tunihimayait pitkutainik pihimaliktait NTIkt ovalo NWMBkkut.

“GNkut pitkutait tamaktitailigituk. Kihimi, keelinikaktuk Inuit inminiigutainik hivulimik pilaaktainik tuktunik hanahimayut Nunavumi Nunataagutit Angigutaanut. Hamna akhut piyumangitavut,” ukaktuk Eetoolook.

Nani tamaat pilaaktait umayukhiulaaktainik hanakpat kitunut umayunut, NWMBkut piniaktut naunaiyaklutik Inuit inmiigutait hivuliulutik pilaaktainik tamaat umayukhiulaaktait umayunik. Hamna taihimayut ataani piyumayait naunaiyautait. Atukhugit pitkuhimayainik NLCami ovalo tuhaktihimayut Inuit umayukhiukhimayait katitigutainik tunihimayut Nunavumi Umayut Umayuligiyyit Ihivgiuktitlugit, NTIkt uktukhimayut ataani piyumayait naunaiyautait Salliqli tuktuit amigaitjutait ililugit hanianut 4,325mik tuktut ukiuk tamaat. GNkut ukugumayut ataani piyumayait naunaiyautait hanianut 1,906mut tuktut ukiuni.

“Ukagumayunga hamna akhut ovalo pitkutainik: Inuit umayukhiuktit Salliqli, Naujaami, Igluligaarjumi ovalo Kangiklinimi tamalaaktait pilaaktainik amigaitumik hanianut 2,400mik tuktut ukiuk tamaat. Kavamatkut uktuliktut keelinikalugit Inuit inminiigutait aivakhimayut ovalo munagiyaayut NLCami,” ukaktuk Eetoolook. “Hamna kingulimungauliktuk. Hapkoa inminiigutivut, munagiyaayut NLCami ovalo GNkut ukugumayut munagilugit Inuit umayukhiugutainik Inuit tighimayainit ovalo tunilugit kavamatkunut. Inuit apigilaitut pilaaktainik kavamatkunit umayukhiugiaganik tuktut,” ukaktuk Eetoolook.

Eetoolook ukaktuk pigumik ataani piyumayait naunaiyautainik hanagumik, pikangituk iluani NLCami aalangulaagiaganik. Hanahimayut mikhaanut Inuit inminiigutait. Ilitigutait ataani piyumayait naunaiyautainik 4, 309mik

munagiyaanganik Inuit pilaaktainik tuktuut Salliqmi hivunikhainut amigaitjutait amigailigumik ovalo amigaitjutait Inuit amigailigumik. NTIkut akhut ukpigiyut nakuungituk GNkut Avatiligiyyit Ministait pilutik keelinikhainik Inuit inmiigutait pilaaktainik tuktuut hivunikhaini.

Hamna tuninialiktuk NWMBkut Inuit naalaktigutainut Iqalumi June 3mit 4mut, 2014. Inikata naalaktigiyut, NWMBkut anginiaktait hanatjutainik ataani piyumayait naunaiyutainik Salliqmi tuktuut amigaitjutainik. Taamna angigutait tuniniaktut GNkut Avatiligiyyit Ministainut Johnny Mike upingaami angigiaganik ovaluniit angingigiaganik.

Ublumi, NTIkut ihumaliktut tamamik pilaaktainik, ilauyut akigaktuklugit GNkut ihumafaangitpata pitkutainut hamani Inuit inmiigutait NLCAmi.

-30-

Tuhafaagumaguvit Takulugit:

Kerry McCluskey
Atanguyak Tuhaktituiyyit
Nunavut Tunngavik Timinga
Foninga: (867) 975-4914 Foninga Akiituk: 1-888-646-0006
Foninga Alguyainik: (867) 222-2893
Kagitauyakut: kmcccluskey@tunngavik.com
Kagitauyakut Takulvia: www.tunngavik.com